



# Digwyddiadau Rhestredig


---

Pencampwriaeth Rygbi'r Chwe Gwlad 2025

## Ymgynghoriad

Cyhoeddwyd 19 Rhagfyr 2024

Dyddiad cau ar gyfer derbyn ymatebion: 16 Ionawr 2025



# Cynnwys

---

## Adran

1. Trosolwg .....	3
2. Pencampwriaeth Rygbi'r Chwe Gwlad 2025 .....	4

## Atodiad

A1. Ymateb i'r ymgynghoriad hwn.....	6
A2. Egwyddorion ymgynghori Ofcom .....	9
Dalen gyflwyno'r ymgynghoriad .....	10

# 1. Trosolwg

## Beth rydym yn ymgynghori yn ei gylch

Mae Ofcom wedi cael ceisiadau gan y BBC ac ITV am ganiatâd i ddarlledu Pencampwriaeth Rygbi'r Chwe Gwlad yn fyw ac yn ecsgliwsif yn 2025 ("y Chwe Gwlad"). Cynhelir y Chwe Gwlad 2025 rhwng dydd Gwener 31 Ionawr a dydd Sadwrn 15 Mawrth 2024.

Mae gemau'r Chwe Gwlad i'r gwledydd cartref wedi'u dynodi'n ddigwyddiadau rhestredig Grŵp B at ddibenion Deddf Darlledu 1996. O dan y Ddeddf, rhaid cael caniatâd Ofcom er mwyn dangos digwyddiadau rhestredig yn fyw ac yn ecsgliwsif.

Mae Ofcom o'r farn y byddai'r trefniadau darlledu byw arfaethedig yn sicrhau bod darllediadau byw ar gael am ddim ac i gynulleidfaoedd ledled y DU, ac mae'n bwriadu rhoi caniatâd dros dro, yn amodol ar ystyried unrhyw sylwadau a ddaw i law mewn ymateb i'r ymgynghoriad hwn.

# 2. Pencampwriaeth Rygbi'r Chwe Gwlad 2025

## Cefndir

---

- 2.1 Mae Ofcom wedi cael ceisiadau gan y BBC ac ITV (ar ei ran ei hun ac ar ran dalwyr trwydded Channel 3) am ganiatâd i ddarlledu Pencampwriaeth Rygbi'r Chwe Gwlad yn fyw ac yn ecsgliwsif yn 2025 ("y Chwe Gwlad"). Cynhelir y Chwe Gwlad 2025 rhwng dydd Gwener 31 Ionawr a dydd Sadwrn 15 Mawrth 2024.
- 2.2 Mae gemau'r Chwe Gwlad i'r gwledydd cartref wedi'u dynodi'n ddigwyddiadau rhestredig Grŵp B at ddibenion Deddf Darlledu 1996 ("y Ddeddf"). O dan y Ddeddf, rhaid cael caniatâd Ofcom er mwyn dangos y digwyddiadau rhestredig yn fyw ac yn ecsgliwsif.

## Y ddarpariaeth arfaethedig

---

- 2.3 Mae'r BBC ac ITV/STV yn bwriadu rhannu darllediadau o'r Chwe Gwlad 2025. Mae'r BBC yn bwriadu darlledu darpariaeth fyw lawn o Gemau Cartref Cymru a'r Alban ar BBC One neu BBC Two. Mae ITV/STV yn bwriadu darlledu darllediadau byw o gemau cartref Lloegr, Iwerddon, Ffrainc a'r Eidal<sup>1</sup> ar draws rhwydwaith Channel 3. Mae gan S4C hefyd gytundeb gyda'r BBC ac ITV sy'n ei alluogi i ddangos darllediadau Cymraeg o gemau'r Chwe Gwlad sy'n cynnwys Cymru.<sup>2</sup>
- 2.4 Bydd y BBC hefyd yn darlledu darllediadau byw ar y radio o'r holl gemau ym Mhencampwriaeth y Chwe Gwlad 2025 ar BBC Radio 5 Live a BBC Radio 5 Sports Extra.

## Caffael hawliau

---

- 2.5 Mae [Cod Ofcom ar Chwaraeon a Digwyddiadau Rhestredig a Dynodedig Eraill](#) ("y Cod") yn egluro, ar gyfer digwyddiadau rhestredig Grŵp B, y bydd Ofcom yn rhoi ei ganiatâd i ddarlledu digwyddiad yn fyw ac yn ecsgliwsif gan ddarlledwr sy'n darparu gwasanaeth mewn un categori (hynny yw, naill ai gwasanaeth cymwys neu un nad yw'n gymwys), os oes darpariaeth ddigonol wedi'i gwneud ar gyfer darpariaeth eilaidd gan ddarlledwr sy'n darparu gwasanaeth yn y categori arall.<sup>3</sup>
- 2.6 Fodd bynnag, mae'r ceisiadau'n nodi y bydd pob un o'r gemau perthnasol yn y Chwe Gwlad yn 2025 yn cael eu dangos ar wasanaeth cymwys (BBC One neu BBC Two, neu rwydwaith Channel 3) heb unrhyw ddarpariaeth eilaidd gan wasanaeth nad yw'n gymwys. Mae'r Cod yn cydnabod y gallai sefyllfa godi pan fydd ail wasanaeth yn methu neu'n anfodlon gwneud

---

<sup>1</sup> Nid yw'r gêm rhwng Ffrainc a'r Eidal yn ddigwyddiad rhestredig at ddibenion y Ddeddf.

<sup>2</sup> Nid oes angen i S4C gael caniatâd Ofcom ar gyfer y ddarpariaeth hon gan y bydd pob un o'r gemau hyn hefyd yn cael eu darlledu gan y BBC neu ITV. Gan fod S4C yn wasanaeth nad yw'n gymwys (at ddibenion y Ddeddf), a bod darpariaeth y BBC ac ITV i gael ei darlledu ar wasanaethau cymwys, mae'r eithriad yn adran 101(1) o'r Ddeddf mewn grym.

<sup>3</sup> Gweler paragraff 1.18 y Cod. Mae'r Cod hefyd yn gwneud darpariaeth ynghylch sylwebaeth radio byw ym mharagraff 1.19.

darpariaeth eilaidd ddigonol neu unrhyw ddarpariaeth eilaidd o gwbl. Mewn achosion o'r fath, mae'r Cod yn nodi y bydd Ofcom yn penderfynu a fydd yn rhoi ei ganiatâd ar gyfer darllediadau byw ecsgliwsif heb ddarpariaeth eilaidd, drwy ddefnyddio'r un meini prawf neu feini prawf tebyg i'r rheini a nodir ym mharagraffau 1.13 i 1.17 y Cod.

- 2.7 Felly, rydym wedi ystyried a gafodd darlledwyr gyfle gwirioneddol i gaffael yr hawliau darlledu eilaidd ar delerau teg a rhesymol, drwy adolygu gwybodaeth a ddarparwyd i ni gan y BBC ac ITV.
- 2.8 Eglurodd y BBC ei fod wedi marchnata hawliau darpariaeth eilaidd ar ran Six Nations Rugby Limited ("SNRL") i nifer o bartïon ym mis Awst 2024, gydag unrhyw ddatganiadau o ddiddordeb yn cael eu cyfeirio at SNRL. Yn ei gais, eglurodd y BBC nad oedd yr un o'r partïon y cysylltwyd â nhw wedi manteisio ar y cynnig i gaffael hawliau ar gyfer darpariaeth eilaidd. Nid oedd yr hawliau darpariaeth eilaidd a gynigiwyd yn ecsgliwsif.

## Cynnig i roi caniatâd

---

- 2.9 Ar sail y wybodaeth a ddarparwyd gan y BBC ac ITV, ein barn dros dro yw bod darlledwyr gwasanaethau 'cymwys' a rhai 'nad ydynt yn gymwys' (at ddibenion y Ddeddf) wedi cael cyfle gwirioneddol i gaffael yr hawliau i ddarlledu darpariaeth eilaidd o'r Chwe Gwlad yn 2025 ar delerau teg a rhesymol.
- 2.10 Rydym hefyd yn nodi y byddai cynlluniau'r BBC ac ITV yn sicrhau bod darllediadau byw o Chwe Gwlad 2025 ar gael am ddim ac i gynulleidfa oedd ledled y DU.
- 2.11 Felly, mae Ofcom yn bwriadu rhoi caniatâd dros dro i BBC ac ITV ddarlledu Chwe Gwlad 2025 yn fyw ac yn ecsgliwsif, a hynny'n amodol ar ystyried unrhyw sylwadau a ddaw i law gan bartïon â diddordeb.<sup>4</sup>

## Ymateb i'r ymgynghoriad hwn

---

- 2.12 Os ydych yn dymuno cyflwyno unrhyw sylwadau am geisiadau'r BBC ac ITV am ganiatâd, dylech anfon y rhain i Ofcom, drwy e-bost i [listedevents@ofcom.org.uk](mailto:listedevents@ofcom.org.uk) erbyn 5pm ar 16 Ionawr 2025 fan bellaf. Mae rhagor o fanylion am ymateb i'r ymgynghoriad hwn ar gael yn yr atodiadau.

---

<sup>4</sup> Nid ydym o'r farn ei bod yn angenrheidiol cynnal asesiad o'r effaith neu asesiad o'r effaith ar gydraddoldeb mewn perthynas â'r cynnig hwn, gan ei fod yn dod o fewn y senario a nodir ym mharagraff 3.6(b) ein canllawiau asesu effaith (a gyhoeddwyd ar 19 Gorffennaf 2023). Gweler hefyd baragraff 3.19 o'r canllawiau hynny mewn perthynas ag asesiadau o'r effaith ar gydraddoldeb.

# A1. Ymateb i'r ymgynghoriad hwn

## Sut mae ymateb

---

- A1.1 Byddai Ofcom yn hoffi i chi gyflwyno eich safbwyntiau a'ch sylwadau ynghylch y materion sydd yn y ddogfen hon erbyn 5pm ar 16 Ionawr 2025.
- A1.2 Gallwch lawrlwytho ffurflen ymateb yn <https://www.ofcom.org.uk/cy/tv-radio-and-on-demand/listed-sporting-events/listed-events-six-nations-rugby-union-championship-2025/>. Gallwch ddychwelyd y ffurflen dros e-bost neu drwy'r post i'r cyfeiriad sydd ar y ffurflen ymateb.
- A1.3 Os bydd eich ymateb ar ffurf ffeil fawr, neu os bydd yn cynnwys siartiau, tablau neu fathau eraill o ddata ategol, gofynnwn i chi ei anfon drwy e-bost i [listedevents@ofcom.org.uk](mailto:listedevents@ofcom.org.uk), fel atodiad mewn fformat Microsoft Word, ynghyd â'r ddalen gyflwyno.
- A1.4 Fel arall, gellir postio ymatebion i'r cyfeiriad isod, gan nodi teitl yr ymgynghoriad arnynt:
- Digwyddiadau Rhestredig  
Ofcom  
Riverside House  
2A Southwark Bridge Road  
London SE1 9HA
- A1.5 Mae croeso i chi gyflwyno ymatebion mewn fformatau eraill heblaw mewn print, er enghraifft recordiad sain neu fideo mewn Iaith Arwyddion Prydain. I ymateb drwy ddefnyddio Iaith Arwyddion Prydain:
- > anfonwch recordiad ohonoch chi'n defnyddio'r iaith arwyddion i gyfleu eich ymateb. Ni ddylai'r recordiad bara mwy na 5 munud. Dyma'r fformatau ffeil addas: ffeiliau DVD, wmv neu QuickTime; neu
  - > gwnewch fideo ohonoch chi'n defnyddio'r iaith arwyddion i gyfleu'ch ymateb, a'i lwytho yn syth i YouTube (neu safle lletya arall), ac anfon y ddolen atom ni.
- A1.6 Byddwn yn cyhoeddi trawsgrifiad o unrhyw ymatebion sain neu fideo a gawn ni (oni bai fod eich ymateb yn gyfrinachol)
- A1.7 Nid oes angen i ni gael copi papur o'ch ymateb yn ogystal â fersiwn electronig. Byddwn yn cydnabod ein bod wedi derbyn ymateb a gyflwynir i ni dros e-bost.
- A1.8 Byddai'n ddefnyddiol hefyd petai modd i chi egluro pam eich bod yn arddel eich safbwyntiau, a beth rydych chi'n ei gredu fyddai effaith cynigion Ofcom. Rydyn ni hefyd yn croesawu ymatebion ar y cyd.
- A1.9 Os ydych chi eisiau trafod y materion a'r cwestiynau sydd wedi cael eu codi yn yr ymgynghoriad hwn, cysylltwch â'r Tîm Digwyddiadau Rhestredig drwy anfon neges e-bost i [listedevents@ofcom.org.uk](mailto:listedevents@ofcom.org.uk).

## Cyfrinachedd

---

- A1.10 Mae ymgynghoriadau'n fwy effeithiol os ydym yn cyhoeddi'r ymatebion cyn i'r cyfnod ymgynghori ddod i ben. Gall hyn helpu pobl a sefydliadau sy'n brin eu hadnoddau neu sydd ddim yn gyfarwydd iawn â'r materion dan sylw i ymateb yn fwy gwybodus. Felly, er mwyn bod yn dryloyw a sicrhau ymarfer rheoleiddio da, ac oherwydd ein bod ni'n credu ei bod yn bwysig bod pawb sydd â diddordeb mewn mater yn gallu gweld safbwyntiau ymatebwyr eraill, fel rheol byddwn yn cyhoeddi ymatebion ar wefan Ofcom yn rheolaidd yn ystod y cyfnod ymgynghori ac ar ôl iddo ddod i ben.
- A1.11 Os ydych chi'n meddwl y dylid cadw eich ymateb yn gyfrinachol, a fyddech chi cystal â nodi i ba ran(nau) mae hyn yn berthnasol, ac egluro pam. Anfonwch unrhyw adrannau cyfrinachol fel atodiad ar wahân. Os ydych chi am i'ch enw, eich cyfeiriad, manylion cyswllt eraill, neu deitl eich swydd aros yn gyfrinachol, rhowch y manylion hynny ar y ddalen gyflwyno'n unig, fel na fydd rhaid i ni olygu eich ymateb.
- A1.12 Os bydd rhywun yn gofyn i ni gadw ymateb cyfan neu ran ohono'n gyfrinachol, byddwn yn trin y cais hwn o ddifri ac yn ceisio ei barchu. Ond weithiau bydd angen i ni gyhoeddi pob ymateb, gan gynnwys y rhai sydd wedi eu nodi'n rhai cyfrinachol, er mwyn bodloni rhwymedigaethau cyfreithiol.
- A1.13 Er mwyn cyflawni ein dyletswydd cyn datgelu, efallai y byddwn yn rhannu copi o'ch ymateb ag adran berthnasol yn y llywodraeth cyn i ni ei gyhoeddi ar ein gwefan.
- A1.14 Sylwch hefyd y cymerir bod yr hawlfraint a phob eiddo deallusol arall sydd mewn ymatebion wedi'u rhoi o dan drwydded i Ofcom eu defnyddio. Mae hawliau eiddo deallusol Ofcom yn cael eu hegluro ymhellach yn ein Telerau Defnyddio.

## Y camau nesaf

---

- A1.15 Ar ôl y cyfnod ymgynghori hwn, mae Ofcom yn bwriadu cyhoeddi datganiad ar 31 Ionawr 2025.
- A1.16 Gallwch chi gofrestru i gael diweddariadau post yn rhoi gwybod i chi am gyhoeddiadau newydd Ofcom os ydych yn dymuno hynny.

## Prosesau ymgynghori Ofcom

---

- A1.17 Mae Ofcom yn ceisio sicrhau ei bod mor hawdd â phosib ymateb i ymgynghoriad. I gael rhagor o wybodaeth, cymerwch gip ar ein hegwyddorion ymgynghori yn Atodiad 2.
- A1.18 Os oes gennych chi unrhyw sylwadau neu awgrymiadau am y ffordd rydyn ni'n rheoli ein hymgynghoriadau, anfonwch neges e-bost atom yn [consult@ofcom.org.uk](mailto:consult@ofcom.org.uk). Rydyn ni wrth ein bodd yn cael syniadau ynghylch sut gallai Ofcom ofyn yn fwy effeithiol am farn grwpiau neu unigolion, fel busnesau bach a defnyddwyr preswyl, sy'n llai tebygol o roi eu barn drwy ymgynghoriad ffurfiol.
- A1.19 Os hoffech drafod y materion hyn, neu brosesau ymgynghori Ofcom yn fwy cyffredinol, cysylltwch ag ysgrifennydd y gorfforaeth:
- A1.20 Corporation Secretary  
Ofcom

Riverside House  
2a Southwark Bridge Road  
London SE1 9HA  
E-bost: [corporationsecretary@ofcom.org.uk](mailto:corporationsecretary@ofcom.org.uk)



# A2. Egwyddorion ymgynghori Ofcom

Mae Ofcom yn dilyn saith egwyddor ar gyfer pob ymgynghoriad ysgrifenedig cyhoeddus:

## Cyn yr ymgynghoriad

---

A2.1 Os oes modd, byddwn yn cynnal sgysiau anffurfiol gyda phobl a sefydliadau cyn cyhoeddi ymgynghoriad mawr i gael gwybod a ydym ar y trywydd iawn. Os nad oes gennym ddigon o amser i wneud hyn, byddwn yn cynnal cyfarfod agored i egluro ein cynigion yn fuan ar ôl cyhoeddi'r ymgynghoriad.

## Yn ystod yr ymgynghoriad

---

A2.2 Byddwn yn glir ynghylch pwy rydyn ni'n ymgynghori â nhw, pam, ar ba gwestiynau ac am ba hyd.

A2.3 Byddwn yn gwneud y ddogfen ymgynghori'n un mor fyr ac mor syml ag y bo modd gyda throsolwg o ddim mwy na dwy dudalen. Byddwn yn ceisio ei gwneud mor hawdd â phosib i bobl roi ymateb ysgrifenedig i ni.

A2.4 Wrth bennu hyd y cyfnod ymgynghori, byddwn yn ystyried natur ein cynigion a'u heffaith bosib. Byddwn bob amser yn nodi'n glir y dyddiad cau ar gyfer derbyn ymatebion.

A2.5 Bydd rhywun yn Ofcom yn gyfrifol am sicrhau ein bod yn dilyn ein canllawiau ein hunain ac yn ceisio cyrraedd y nifer fwyaf o bobl a sefydliadau sydd â diddordeb o bosib yng nghanlyniad ein penderfyniadau. Hyrwyddwr Ymgynghori Ofcom fydd y prif bwynt cyswllt os oes gennych chi farn am y ffordd rydyn ni'n cynnal ein hymgyngoriadau.

A2.6 Os na fyddwn yn gallu dilyn unrhyw un o'r saith egwyddor hyn, byddwn yn egluro pam.

## Ar ôl yr ymgynghoriad

---

A2.7 Credwn ei bod yn bwysig bod pawb sydd â diddordeb mewn mater yn gallu gweld safbwyntiau pobl eraill. Felly, fel rheol, byddwn yn cyhoeddi'r ymatebion yn rheolaidd yn ystod y cyfnod ymgynghori ac ar ôl iddo ddod i ben. Ar ôl yr ymgynghoriad, byddwn yn gwneud ein penderfyniadau ac yn cyhoeddi datganiad sy'n egluro beth fyddwn ni'n ei wneud, a pham, gan ddangos sut mae safbwyntiau ymatebwyr wedi helpu i lywio'r penderfyniadau hyn.

# Dalen gyflwyno'r ymgynghoriad

## Manylion sylfaenol

---

Teitl yr ymgynghoriad:

At: [listedevents@ofcom.org.uk](mailto:listedevents@ofcom.org.uk)

Enw'r ymatebydd:

Yn cynrychioli (eich hun neu sefydliad(au)):

Cyfeiriad (os na ddaeth i law drwy e-bost):

## Cyfrinachedd

---

Ticiwch isod i ddangos pa ran o'ch ymateb rydych chi'n ei hystyried yn gyfrinachol, a rhowch eich rhesymau dros hynny

- > Dim
- > Enw/manyion cyswllt/teitl swydd
- > Ymateb cyfan
- > Sefydliad
- > Rhan o'r ymateb

Os ydych chi wedi dewis 'Rhan o'r ymateb', nodwch pa rannau:

-----  
-----

Os ydych chi am i ran o'ch ymateb, eich enw neu eich sefydliad beidio â chael eu cyhoeddi, ydych chi'n fodlon i Ofcom gyhoeddi cyfeiriad at gynnwys eich ymateb (gan gynnwys, yn achos unrhyw rannau cyfrinachol, grynodedb cyffredinol na fydd yn datgelu'r wybodaeth benodol nac yn datgelu pwy ydych chi)?

Ydw       Nac ydw

## Datganiad

---

Rwy'n cadarnhau bod yr ohebiaeth sydd wedi'i rhoi gyda'r ddalen gyflwyno hon yn ymateb ffurfiol i'r ymgynghoriad y gall Ofcom ei gyhoeddi. Fodd bynnag, wrth ddarparu'r ymateb hwn, rwy'n deall ei bod yn bosib y bydd angen i Ofcom gyhoeddi'r holl ymatebion, gan gynnwys y rhai sydd wedi'u nodi'n gyfrinachol, er mwyn cyflawni rhwymedigaethau cyfreithiol. Os ydw i wedi anfon fy ymateb drwy neges e-bost, gall Ofcom ddiystyru unrhyw destun e-bost safonol ynglŷn â pheidio â datgelu cynnwys ac atodiadau'r neges e-bost.

Mae Ofcom yn bwriadu cyhoeddi ymatebion yn rheolaidd yn ystod y cyfnod ymgynghori ac ar ôl iddo ddod i ben. Os yw eich ymateb yn un nad yw'n gyfrinachol (yn gyfan gwbl neu'n rhannol), ac y byddai'n well gennych i ni beidio â chyhoeddi'ch ymateb nes bydd yr ymgynghoriad wedi dod i ben, ticiwch yma.

Enw Llofnod (os darperir copi caled)